

რას აცხადებს მიტროპოლიტი იეროთეოსი ვაქცინაციიდან რამდენიმე დღეში?!



ცნობილია, რომ საბერძნეთის მართლმადიდებელი ეკლესიის გამოჩენილი მაღალიერარქი, ნავპაქტოს მიტროპოლიტი იეროთეოსი (ვლახოსი) არის პირველი მართლმადიდებელი მღვდელმთავარი, რომელმაც კორონავირუსის საწინააღმდეგო ვაქცინა გაიკეთა.

ვაქცინაციიდან რამდენიმე დღის შემდეგ მიტროპოლიტი იეროთეოსი აცხადებს:

„შემთხვევით არ ამირჩიეს. ამ საკითხებით ვარ დაკავებული, წიგნიც მაქვს დაწერილი და უცხოურ უნივერსიტეტებში მაქვს ჩატარებული ლექციები მოლეკულური ბიოლოგიისა და გენეტიკის შესახებ. პანდემიის პირველი ტალღის დაწყებისას, აპრილში, ეკლესიიდან ერთადერთ წარმომადგენლად დამადგინეს, რომ ეს საკითხი შემესწავლა. მრავალი სამეცნიერო კვლევა წავიკითხე და მივედი დასკვნამდე, რომ ეს ვაქცინა არის გადარჩენის მცდელობა და პანდემიის ამ ელჭეჭიდან გათავისუფლება. ვინაიდან მთავარეპისკოპოსს [ეკლესიის მეთაურს] არ შეეძლო ვაქცინის გაკეთება, რადგან სულ ახლახანს დაამარცხა კორონავირუსი და მის ორგანიზმში ჯერ კიდევ არის ანტისხეულები და რადგან მე უკვე მქონდა დაფიქსირებული ჩემი პოზიცია, მან მკითხა, თუ მექნებოდა სურვილი, მის ნაცვლად გამეკეთებინა ვაქცინა. ასე აღმოვჩნდი პირველი. მე მანამდე ნავპაქტოს მერს ვესაუბრე და ვუთხარი, რომ როგორც კი ახალი ვაქცინა ჩვენს რეგიონში შემოვიდოდა, პირველი ვყოფილიყავი, ვინც გაიკეთებდა.

რა თქმა უნდა, შესაძლოა არსებობდეს უკუჩვენებები, ისევე როგორც ეს ყველა ვაქცინის შემთხვევაში ხდება, მაგრამ მე არავითარი სახის უკუჩვენება მქონია. ჩავედი ათენში, გავიკეთე ვაქცინა, რის შემდეგ ტემპერატურაც გავიზომე, მაგრამ უმცირესი სიმპტომაც არ გამოვლენილა. დღემდე მოყოლებული არანაირი სახის უკუჩვენება არ მქონია, მაგრამ, თუნდაც მქონოდა, ეს ყველა წამლის შემთხვევაში ხდება.

მე ექიმებსა და ამერიკის უდიდეს მეცნიერებთან გავიარე კონსულტაცია და მათ მითხრეს, რომ უშიშრად შეიძლებოდა ვაქცინის გაკეთება. რატომ?! იმიტომ, რომ ბოლო-ბოლო უნდა გავთავისუფლდეთ იმ საფრთხისა და შიშისგან, რომელიც მკვიდრობს ჩვენს ირგვლივ. ჩვენი სლოგანია „თავისუფლება სიკვდილის შიშისგან“. ხშირად ჩვენს მოყვასს ვუყურებთ, როგორც ჩვენი არსებობისთვის საფრთხისგან, ჩვენ ყველა უნდა გავთავისუფლდეთ ცრურწმენებისგან. დღევანდელ ეპოქაში ამ საკითხთან მიმართებაშიც [ვაქცინაცია] ერთგვარი ცრურწმენა არსებობს, რომ რაღაც უხილავი და ბებუნებრივი საიდუმლო ძალები მართავენ სამყაროს და ჩვენზე გავლენას ახდენენ და ა.შ. ამათგან უნდა გავთავისუფლდეთ! ამას აკეთებს ჭეშმარიტი მეცნიერებაც და მართლმადიდებლური ღვთისმეტყველებაც.

ნეტავი ყოველი ადამიანი გათავისუფლდეს ამ შიშებისა და ცრურწმენებისგან, რომლებსაც შუა საუკუნეებისკენ მივყავართ. ახლა ჩვენ ვცხოვრობთ თანამედროვე ეპოქაში, XXI საუკუნეში. ამ ვაქცინების გამოცდა ჯერ კიდევ 90-იანებიდან დაიწყო, არ არის რაიმე ახალი, ისინი არ წარმოშობილან მოულოდნელად. SARS-CoV-1-ის კლინიკური ცდები ჯერ კიდევ სამი წლის წინ დაიწყო, დღევანდელი არის SARS-CoV-2 [ე.ი. COVID-19]. მე პირადად ენთუსიაზმით ვიყავი განწყობილი და მიხაროდა, როდესაც ვნახე ამერიკაში, როდესაც ათასობით მოხალისე იყო ჩართული ამ კლინიკურ ცდებში. მაშ, რატომ არ უნდა გავიკეთოთ ჩვენც და გავთავისუფლდეთ ამ უდიდესი საფრთხისგან?!“ – აღნიშნა ნავაპეტოს მიტროპოლიტმა იეროთეოსმა (ვლახოსი).

სპეციალურად ბერძნული ენიდან თარგმნა “მსოფლიო საეკლესიო სიახლენმა”.